

Adeilad y Goron,  
Parc Cathays, Caerdydd,  
CF10 3NQ

Crown Buildings,  
Cathays Park,  
Cardiff, CF10 3NQ



[Penderfyniadau Cynllunio ac Amgylchedd Cymru | LLYW.CYMRU](http://LLYW.CYMRU)  
[Planning and Environment Decisions Wales | GOV.WALES](http://GOV.WALES)

Ffôn/tel:03000225215

Ein Cyf/Our Ref: DNS/3270299

Ebost/email: [PEDW.Infrastructure@gov.wales](mailto:PEDW.Infrastructure@gov.wales)

Dyddiad/Date: 16th May 2022

Pennant Walters Ltd  
Cyngor Bwrdeistref Sirol Blaenau Gwent

(Anfonwyd drwy'r e-bost)

**Deddf Cynllunio Gwlad a Thref 1990 (fel y'i diwygiwyd) ('Deddf 1990') Rheoliadau Datblygiadau o Arwyddocâd Cenedlaethol (Cymru) 2016 (fel y'u diwygiwyd) ('Y Rheoliadau DNS') Gorchymyn Datblygiadau o Arwyddocâd Cenedlaethol (Gweithdrefn) (Cymru) 2016 (fel y'i diwygiwyd) ('Y Gorchymyn Gweithdrefn DNS')**

**Cais gan: Pennant Walters Ltd**

**Cyfeiriad y safle: Tua 500m i'r gorllewin o Abertyleri a cheir mynediad iddo ar hyd ffordd gludo goedwigaeth oddi ar yr A4046 Aberbeeg Road.**

Cyflwynwyd hysbysiad o gais arfaethedig ar gyfer Datblygiad o Arwyddocâd Cenedlaethol (DNS) i Penderfyniadau Cynllunio ac Amgylchedd Cymru (PCAC).

Ar ôl asesu'r dogfennau a gyflwynwyd, gallaf gadarnhau'r canlynol:

- bod y cynnig o fewn y meini prawf i'w ystyried fel cais DNS;
- darparwyd y dogfennau a fynnir gan y Rheoliadau uchod; ac
- mae'r ffi berthnasol wedi'i thalu yn llawn.

**Dylid ymdrin â'r llythyr hwn felly fel hysbysiad swyddogol o dderbyn yr hysbysiad, o dan Erthygl 6 Gorchymyn Gweithdrefn DNS 2016.**

Mae'r hysbysiad derbyn hwn yn ddilys am 12 mis yn unig o ddyddiad y llythyr hwn; os na chaiff y cais ei gyflwyno'n ffurfiol erbyn y dyddiad hwnnw, rhaid cyflwyno hysbysiad o'r datblygiad arfaethedig o'r newydd, yn unol ag Erthygl 5 Gorchymyn Gweithdrefn DNS 2016.

Dylai'r holl bartïon ddarllen y canlynol yn ofalus i sicrhau eu bod yn deall y broses a nodi unrhyw derfynau amser perthnasol.

## **1. Yr Ymgeisydd**

Mae nawr yn ofynnol i'r Ymgeisydd roi cyhoeddusrwydd i'r cais cyn ei gyflwyno'n ffurfiol. Yn unol ag Erthygl 8 Gorchymyn Gweithdrefn DNS 2016, rhaid i'r Ymgeisydd rhoi cyhoeddusrwydd i'r cais arfaethedig nawr drwy wneud y canlynol—

- (a) *rhoi hysbysiad gofynnol -*
  - (i) *drwy ei arddangos ar y safle, mewn o leiaf un man ar neu gerllaw'r tir y mae'r cais arfaethedig yn ymwneud ag ef, am gyfnod o ddim llai na 42 diwrnod;*
  - (ii) *drwy ysgrifennu at berchennog neu feddiannydd unrhyw dir sy'n cyd-ffinio â'r tir y mae'r cais arfaethedig yn ymwneud ag ef; a*
  - (iii) *thru gyhoeddi'r hysbysiad mewn papur newydd sy'n cylchredeg yn y gymdogaeth y lleolir ynddi'r tir y mae'r cais arfaethedig yn ymwneud ag ef; a*
- (b) *chyhoeddi'r wybodaeth ganlynol ar wefan a gynhelir gan yr ymgeisydd, am gyfnod o ddim llai na 42 diwrnod sy'n dechrau gyda phob un o'r diwrnodau y rhoddir pob un o'r hysbysiadau y cyfeirir atynt yn is-baragraff (a) neu erthygl 9(2) –*
  - (i) *y ffurflen gais ddrafft a gyhoeddwyd gan Weinidogion Cymru o dan erthygl 12(1)(a) (neu ffurflen sydd, o ran sylwedd, yn cael yr un effaith), gan gynnwys y manylion a bennir neu y cyfeirir atynt yn y ffurflen;*
  - (ii) *cynllun sy'n galluogi adnabod y tir y mae'r cais arfaethedig yn ymwneud ag ef;*
  - (iii) *unrhyw gynlluniau, lluniadau a gwybodaeth arall sy'n angenrheidiol er mwyn disgrifio'r datblygiad sy'n destun y cais arfaethedig;*
  - (iv) *copi o'r hysbysiad a fyynnir gan erthygl 6 ac nad yw wedi darhod o dan baragraff (3) o'r erthygl honno;*
  - (v) *y datganiad dylunio a mynediad a fyynnir gan erthygl 14;*
  - (vi) *yn ddarostyngedig i erthygl 12(3), y manylion neu'r dystiolaeth sy'n ofynnol gan Weinidogion Cymru o dan adran 62(3) o Ddeddf 1990 (ceisiadau am ganiatâd cynllunio);*
  - (vii) *pan fo'n gymwys, datganiad y cyfeirir ato fel y datganiad amgylcheddol ar gyfer y datblygiad arfaethedig; a*
  - (viii) *datganiad ysgrifenedig ynghylch unrhyw gydsyniad eilaidd sy'n gysylltiedig â'r cais arfaethedig ac y tybia'r ymgeisydd fod penderfyniad ar y cydsyniad hwnnw i gael ei wneud, neu y dylid ei wneud, gan Weinidogion Cymru, ynghyd â'r ffurflen gais ddrafft a'r dogfennau sy'n gysylltiedig â chydsyniadau o'r fath.*

Mae hefyd yn ofynnol i'r Ymgeisydd ymgymryd ag ymgynghoriad, yn unol ag Erthygl 9 Gorchymyn Gweithdrefn DNS 2016:

- (1) *Mae'r personau neu ddisgrifiadau o bersonau canlynol wedi eu pennu at ddibenion adran 61Z(4) o Ddeddf 1990 –*
  - (a) *unrhyw ymgynghorai cymunedol;*
  - (b) *unrhyw ymgynghorai arbenigol; ac*
  - (c) *unrhyw berson perthnasol.*
- (2) *Lle bo'n ofynnol bod ymgeisydd yn ymgynghori ag ymgynghorai cymunedol neu berson perthnasol, rhaid i'r ymgeisydd roi i'r ymgynghorai cymunedol neu'r person perthnasol hysbysiad gofynnol ysgrifenedig o'r cais arfaethedig.*
- (3) *Lle bo'n ofynnol bod ymgeisydd yn ymgynghori ag ymgynghorai arbenigol, rhaid i'r ymgeisydd roi i'r ymgynghorai arbenigol hysbysiad gofynnol ysgrifenedig o'r cais arfaethedig ac amgáu pob un o'r dogfennau y cyfeirir atynt yn erthygl 8(1)(b) neu ddarparu dolen i wefan lle y gellir gweld y dogfennau hynny.*
- (4) *Rhaid i'r ymgeisydd fod wedi cydymffurfio â pharagraffau (2) a (3) ac wedi rhoi amser i'r ymgynghorai arbenigol ymateb yn unol ag erthygl 10(1) cyn cyflwyno cais.*

Mae'n ofynnol i'r Ymgeisydd gyflwyno adroddiad ymgynghori cyn-ymgeisio fel rhan o gyflwyno'r cais, yn unol ag Erthygl 11 y Gorchymyn Gweithdrefn DNS. Rhaid i PCAC fod yn

fodlon bod gofynion Gorchymyn Gweithdrefn DNS 2016 wedi'u bodloni, a bod ymatebion wedi helpu i lywio'r cynllun terfynol, cyn y gellir derbyn cais i'w archwilio.

Os oes angen rhif Archeb Brynu ar yr Ymgeisydd er mwyn prosesu taliad, dylech ei roi i PCAC cyn gynted ag y bo'n gyfleus. Gallai darparu unrhyw fanylion o'r fath yn hwyr arwain at oedi yn y broses anfonebu.

## **2. Yr Awdurdod Cynllunio Lleol**

Mae'n bwysig bod yr Awdurdod Cynllunio Lleol (ACLI) yn defnyddio'r broses cyn-ymgeisio i ymglyfarwyddo â'r cais a chasglu gwybodaeth a fydd yn helpu i lunio Adroddiad ar yr Effaith Leol (LIR), sylwadau ysgrifenedig ac unrhyw Ddatganiad Tir Cyffredin. Mae mabwysiadu dull rhagweithiol yn ystod y cam hwn yn debygol o leihau'r galw ar adnoddau'r Awdurdod yn ystod y cam archwilio. Mae rhagor o arweiniad ar y mater hwn i'w gael yn [Nogfen Canllawiau Gweithdrefnol](#) y DNS.

Fel y gallech fod yn gwybod, mae PCAC yn gyfrifol am gyhoeddi manylion y cais pan fydd wedi'i gyflwyno, ac ysgrifennu at y rhai y gallai'r cais effeithio arnynt.

**O ystyried hyn, byddai'n hynod ddefnyddiol pe gallech ddarparu rhestr o bobl y byddech wedi'u hysbysu, pe byddai'r cais wedi'i gyflwyno'n uniongyrchol i chi, ar fyrder. Yn benodol:**

- pob cynghorydd sir neu gynghorydd bwrdeistref sirol sy'n cynrychioli ward etholiadol y lleolir ynddi dir y mae'r cais arfaethedig yn ymwneud ag ef;
- pob cyngor cymuned y lleolir yn ei ardal dir y mae'r cais arfaethedig yn ymwneud ag ef;
- eiddo cyfagos; ac
- unrhyw unigolion perthnasol eraill a chyrrff arbenigol fel y gwelwch yn briodol.

## **3. Pob parti**

Os oes gan unrhyw barti gwestiynau'n ymwneud â'r llythyr hwn, neu'r broses DNS ei hun, mae pob croeso i chi gysylltu â mi gan ddefnyddio'r cyfeiriad e-bost neu'r cyfeiriad post ar frig yr hysbysiad hwn.

Yn gywir,

*Nina Kinsey*

Swyddog Achos